

parole ditto Barbon se amutite. Nota. Le lettere intercepte è senza sottoscrition, drizate al duca di Ferrara.

Di Cremona, del proveditor Vituri, di 26.

Come il Marchese era pegro nel passar Po. Manda lettere intercepte scritte al duca di Ferrara per il capitano Zorzi Fransperg, di 20, da Fiorenzuola, mandate li per il signor Ferigo da Bozolo, come a Milan era zonto domino Rafael fiorentin mandato per il Papa al duca di Barbon per causa de le trieve, pertanto dubita non trati qual cossa contra de lui Duca; et cussi scrive l'orator del Duca è in campo.

302 Da poi disnar fo Pregadi per far li Savii et lezer lettere. Et compito di lezer molte lettere et tolto il scurtinio di tre Savii del Conseio ordinarii con bolletini: fu posto per li Consieri dar il possesso del presbiterà di la chiesa catedral di Treviso a domino Zuan Francesco Lamberti nepote di domino Marin Lamberto, el qual ge l'ha renontiato, come apar per le bolle del Papa 1525 di Fevrier. Et fu preso. Ave 115, 2, 5.

230. *Scurtinio di tre Savii del Conseio ordinarii in luogo di sier Domenego Trivixan el cavalier procurator, sier Piero Lando et sier Alvixe Pixani procurator, che compieno.*

Sier Andrea Mudazo fo consier qu.	
sier Nicolò	50.169
Sier Lunardo Emo fo podestà a Padova, qu. sier Zuan el cavalier . .	115.122
Sier Michiel Malipiero fo patron a l'Arsenal, qu. sier Jacomo	35.189
Sier Zuan Pixani è di Pregadi, di sier Alvixe procurator	17.208
Sier Vincenzo Grimani fo di la Zonta, qu. Serenissimo	37.188
Sier Marco Grimani el procurator . .	37.186
† Sier Lorenzo Loredan procurator, fo Savio del Conseio, qu. Serenissimo	149. 74
Sier Francesco Donado el cavalier, fo Savio del Conseio	115.107
Sier Piero Marzello fo censor, qu. sier Jacomo	30.192
Sier Polo Malipiero fo di Pregadi, qu. Jacomo	31.188
Sier Piero Trun fo podestà a Verona, qu. sier Alvixe	41.180

Sier Piero Gritti qu. sier Homobon, qu. sier Triadan	16.216
Sier Priamo da Leze fo Cao del Conseio di X, qu. sier Andrea . . .	48.175
Sier Hironimo Barbarigo fo cao dil Conseio di X, qu. sier Andrea, qu. Serenissimo	56.157
Sier Daniel Renier fo savio del Conseio, qu. sier Costantin . . .	123.105
Sier Antonio Gradenigo, qu. sier Zuan Paulo	20.203
Sier Domenego Trivixan fo avogador di comun, qu. sier Zacaria . . .	24.192
Sier Alvixe Gradenigo fo Cao del Conseio di X, qu. sier Domenego cavalier	68.161
† Sier Alvixe di Prioli procuratore, fo savio del Conseio	146. 74
Sier Francesco Valier fo Cao del Conseio di X, qu. sier Hironimo . .	47.174
† Sier Andrea Trivixan el cavalier fo savio del Conseio, qu. sier Tomà procurator	168. 57
Sier Domenego Contarini è proveditor zeneral in campo, qu. sier Mafio	93.127
Sier Marco Dandolo, dottor, cavalier, fo savio del Conseio	94.131

È da saper. Cinque di questi fono tolti parenti 302* del Principe, zoè sier Michiel et sier Polo Malipiero so' fradelli, sier Antonio Gradenigo fio di soa suor, sier Piero Gritti suo zerman cuxin et sier Zuan Pixani ha la fia di suo fiol per moglie, i quali non si fanno tuor et fono tolti per far dispiacer al Serenissimo, perchè si fa con bolletini. Et fo una mal fatta cosa, et per esser cosa notanda, qui ne ho voluto far nota.

Di Roma vene lettere di l'Orator nostro, di 24, et 25. Assà colloqui fatti col Pontefice et reverendo Datario in materia di questo acordo si tratta, et il Papa haverli ditto haver hauto lettere da Caieta da l'arzivescovo di Capua, è col Vicerè per trattar acordo, come il Vicerè et quelli signori non voleno far tregue, ma paxe se'l Papa vuol, et voleno da Soa Santità, oltra li capitoli ditti per le altre, per loro cauzion do altre terre in le mano, zoè Pisa et Ligorino, che è di fiorentini; per il che il Pontefice dice vol star constante et non asentir a tal richieste: pur teme di Fiorenza per l'approssimarsi di lanzinech. Ha inteso il marchese di Saluzo